



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

XXXIV. Suppressio Collegii Secretatorum Apostolicorum.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Preces Vi-  
carii Genera-  
lis.Transfertur  
Indulgentia  
ad primam  
Dominicam  
post octavam  
Nativitatis  
B. M. V. in  
Ecclesiis d.  
Ordinis in  
Etruria.

XXXIV.

Supprimatur Collegium Secretariorum Aposto-  
licorum a Callixto III. aliisque Romanis Ponti-  
ficibus institutum.Dat. i. Aprilis  
1678. An. 2.

Procemium.

## INNOCENTIUS PAPA XI.

**R**omanus Pontifex ex debito Pastoralis officii illi divinitus injuncti, non solum ad ea, quae Universi Christiani Gregis animarum salutem respiciunt; verum etiam, quae ad Sedis, & Camerae Apostolicae, cui diversa onera incumbunt necessitatibus jugiter imminentes, indemnitate pariter, & sublevamen pertinere noscuntur, vigilantiae suae aciem dirigens, ea, quae certis fraudibus causis per suos praedecessores in erectione officiorum Romanae Curiae fuerunt ordinata, & instituta, interdum ex aliis non minus rationabilibus causis immutare, & quandoque ad pristinum statum reducere, aut etiam in totum supprimere consuevit, prout rebus diligenter, & mature discussis, & examinatis, ac rerum necessitas, & temporum vicissitudo requirunt, sicque conspexit in Domino salubriter expedit.

Ortus &  
progressus  
Collegii.

§. 1. Dudum siquidem consueverant ab antiquo tempore Romani Pontifices praedecessores nostri, ut promptos haberent viros industrios quorum opera in magnis, & arduis Apostolicae Sedis negotiis uti possent, ac etiam pro celeriori eorumdem negotiorum expeditione quamplures eligere, ac deputare Secretarios, quos fel. rec. Callixtus III., & Pius II. praedecessores nostri ex certis causis ad numerum sex reducerunt; postmodum fel. rec. Innocentius VIII. similiter praedecessor noster, ut decori, & universitati ejusdem Sedis & Curiae, ac faciliiori, celeriori, diligentiori, & magis accuratae expeditioni Brevium, aliarumque literarum Apostolicarum opportune consulere, ac etiam ut aliquibus tunc nimium urgentibus Camerae Apostolicae indigentis occurreretur, decem, & octo alios elegit, seu assumpsit, ac deputavit, adeo ut insimul cum praefatis sex jam extantibus Collegium viginti quatuor Se-

cretariorum constituerent, eidem Collegio, & Secretariis diversos annuos redditus, & emolumenta inter singulos Secretarios pro tempore existentes aequis portionibus dividenda, & distribuenda; assignando, & applicando, eosque etiam creando veros Palatii Apostolici Praelatos, ac familiares, & continuos Commensales, aliasque plures eis concedendo praerogativas, & praereminentias latius contentas in ejus Constitutione sub datum Romae apud S. Petrum anno Dominicae Incarnationis 1487. pridie Kal. Januarii Pontificatus Anno Quarto.

§. 2. Et quoniam intuitu dictorum emolumentorum eidem Collegio applicatorum ab illo pro subventionem dictarum urgentium necessitatum Camerae, & Sedis Apostolicae, fuerat persoluta summa sexaginta duorum millium, & quatuorcentum florenorum, seu ducatorum auri de Camera, idcirco idem Innocentius praedecessor statuit, & decrevit, quod in eventum, in quem praefati Officii revocatio, aut alteratio sequeretur, restitui deberet integra dicta summa sexaginta duorum millium, & quatuorcentum ducatorum de Camera, in quibus nullo modo imputari possent emolumenta interim percepta sibi reservata facultate alium deputandi in Secretarium domesticum, ut pariter latius in eadem Constitutione continetur; quia vero nonnulli cupiebant variis modis ad antecedens Officium Secretariatus ascendere, praeter ejusdem Pontificis desiderium, ac voluntatem, quae fuit, ut ad illud non admitterentur, nisi personae qualificatae tam aetate, quam doctrina, quemadmodum ipsum Officium requirit; idcirco idem Innocentius per alias ejus literas in forma Brevis sub datum Romae apud S. Petrum prima Februarii 1488. anno pariter 4. statuit, quod nullus ad idem Officium assumatur, nisi prius ab eodem Collegio, praevio examine approbatus, & acceptatus fuerit, cui quidem Collegio alii Romani Pontifices successores, & similiter praedecessores nostri praefata privilegia, & praerogativas confirmarunt. Exortisque deinde aliquibus controversiis pro illarum compositione, & terminatione fel. rec. Pius V. idem noster praedecessor per ejus motum proprium sub datum Romae apud Sanctum Petrum pridie nonas Maii anno sexto quamplura ejusdem Collegii favore statuit, & decrevit praesertim, ut haec Officia nullo unquam tempore per Romanos Pontifices pro tempore existentes revocari, reduci, alterari, aut moderari, seu Collegium ipsum supprimi, vel extingui possent, nisi restituis prius realiter, & cum effectu singulis Secretariis tunc viventibus integre, & absque ulla diminutione pecuniarum, pro quibus eos officia emisse, aut habuisse constiterit. Demum vero aliis exortis controversiis inter idem Collegium, & praefatum Secretarium domesticum fel. rec. Sixtus V. praevia narrativa quod in dicto Collegio virtutibus, experientia, ac usu rerum, & negotiorum ad Romanam Curiam confluentium, ad dictum Officium pertinentium insignes viri connumerabantur, praefatum Secretarii domestici Officium suppressit, & extinxit, illudque Collegium univit, & incorporavit cum ejus emolumentis, quorum intuitu ab eodem Collegio soluta fuerunt nostrae Camerae Apostolicae scut. viginti quinque mille auri in auro, plura desuper statuendo, atque plures etiam praerogativas hujusmodi Secretariis concedendo, & praesertim, quod essent Praelati utriusque Signaturae Referendarii, atque locum in Pontificia Cappella haberent, ut latius continetur in ejusdem Sixti literis in forma Brevis sub Datum Romae apud S. Petrum 1. Aprilis 1586. ejus Pontificatus anno Primo.

§. 3. Collegium vero praefatum pro congerendo summam scut. viginti quinque millium auri, seu illius valorem ad effectum illam solven-

Ejus privi-  
legia.

Item onera.

di Ca

di Camerae praedictae ex causa d. applicationis, & assignationis emolumentorum dicti Secretarii domestici, vigore licentiae, & facultatis per eundem Sixtum concessae, & de qua in ipsius literis in forma Brevis expeditis sub die 17. Februarii dicti anni 1586., erexit unum montem super proprietate, & grossa, seu massa ejusdem Collegii cum obligatione, ac promissione illum infra sexennium extinguendi; & amplius cum idem Collegium ab eodem Sixto etiam obtinuerit similem suppressionem alterius Secretarii domestici Brevis, quae Principibus scribuntur, & concessionem, ac assignationem illius emolumentorum ad ejusdem Collegii favorem, & commodum, per solutis Camerae nostrae scutis duodecim millibus auri de licentia, & facultate ejusdem Sixti erexit, seu auxit montem in summa dictorum scutorum duodecim millium auri, sexennio praedicto, ut infra quod dictus Pontifex primum montem extingui voluerat, ad aliud sexennium prorogato, itaut mons primo erectus, & respective auctus fuerit in ducentis septuaginta octo locis, ad rationem scutorum centum monetarum pro quolibet loco, & in aliis centum viginti locis ad rationem scutorum centum auri in auro pro quolibet locorum; ac postmodum vigore alterius facultatis, & licentiae concessae per fel. rec. Clementem IX. pariter nostrum praedeceff., ad effectum extinguendi praesatum montem, erexit, ac constituit alterum novum montem locorum quadringentorum quinquaginta octo ad rationem pretii centum, & fructus annui scutorum quatuor monetarum Romanae pro quolibet loco, adjecta tamen simili lege, praesatum novum montem infra duodecim annos, ab illius erectione computandos, extinguendi, prout latius in literis in forma Brevis dicti Clementis praedecefforis sub datum Romae die 4. Januarii 1669., & respective Instrumento d. erectionis die 16. Maii dicti anni per Petrum Gentilem Catalanum, tunc dictae nostrae Camerae Notarium rogato, continetur.

Causae ejus  
extinctionis.

§. 4. Cum autem inter quamplura ad utrumque spirituale, ac temporale regimen pertinentia, quorum notitiam, exactamque informationem initio nostri Pontificatus, ut par erat, habere curavimus, illa per Nos fuerit habita super hujusmodi Collegio Secretariorum, atque desuper deputata Congregatione particulari nonnullorum Romanae Curiae Praelatorum, cum interventus Ven. Fratris nostri Alderani S. R. E. Cardinalis Cybo nuncupati ab eadem Nobis relatum fuerit per Collegium praesatum nullatenus adimpleri eos fines, & effectus, pro quibus, ut praemisum est, erectum, & institutum, ac confirmatum fuit, dum negotiorum ei, ut supra demandatorum administratio, cura, & expeditio incumbunt, & respective exercentur, ac adimplentur per duos ejusdem Romanae Curiae Praelatos extra dictum Collegium per Romanum Pontificem pro tempore existentem deputari solitos, quorum unus *Secretarius Brevis*, alter *Secretarius Brevis ad Principes* nuncupat. adeo ut praesatum Collegium prorsus inutile, & superfluum evaserit, ac remaneat; e converso autem inter illud, ejusque Secretarios ex una ac dictam Camerae ex altera partibus, plures tam antiquo, quam moderno tempore controversia fuerint exortae, itidemque hujusmodi Officia valde notabile eidem Camerae praedictae, & detrimentum afferre, & causare dignoscantur, proindeque omnino expediens, & opportunum sit, dictum Collegium, ejusque Officia supprimere, & extinguere, restituito possessoribus eorumdem Officiorum illo pretio, quod restituendum esse justitiae ratio exigit, atque requirit; proptereaque eidem Congregationi, aliisque Praelatis per Nos additis, ac deputatis injunximus, ac demandavimus, ut discutere, & examinare, No-

bisque postmodum referre deberent quidnam juxta praedictae justitiae limites, & rationem, ut unicuique quod suum est, & debetur, tribuatur, restituendum sit; cumque insimul cum dicto Venerabili Fratre nostro Alderano, pluries congregati partibus interesse habentibus etiam auditis, non fuerint unanimes, & concordantes in eorum suffragiis, & votis, itaut totalis conclusio, & resolutio valde differri possit in magnum, ac evidens praedictum, ac detrimentum dictae nostrae Camerae, ac jam cessantibus rationibus, & causis, ut supra existentibus, & perseverantibus ejusdem Collegii, sique nullo modo justum, & rationabile sit, ut incerti, ac illiquidum pretii restitutio ipsius jam conclusae, & determinatae suppressionis, & extinctionis substantiam, ac effectum impediatur, decrevimus exinde ad eandem suppressionem, & extinctionem devenire, demandata pro nunc restitutione prompte, ac statim faciendae illarum pecuniarum, quas constiterit Nostrae Camerae praesatae, ex causa singulorum Officiorum hujusmodi per solutas vere, & realiter fuisse, ad ejusque manus, sive ejus officialium pervenisse; cognitionem vero, ac terminationem, an, & quid etiam ultra praedictas pecunias legitime, & ad ejusdem justitiae limites, & rationem restituendum, seu perfolvendum sit nostro Thesaurario Generali de voto nostrae Rotae, ut ita ob peculiarem hujusmodi Tribunalis stylum, & onus edendi, & promulgandi Decisiones omnibus causae, ac rationes justitiae, & resolutionum pateant, omni appellatione remota, & alias prout infra committere, & mandare &c.

§. 5. Nos igitur praemissa attendentes ex causis praedictis, & aliis animum nostrum moventibus cum opportuno remedio, ut supra, providere volentes, ac literas Apostolicas erectionis Collegii Secretariorum hujusmodi, aliarumque quarumvis concessionum, gratiarum, & prerogativarum illis a praedictis, & quibusvis aliis Romanis Pontificibus praedecefforibus nostris desuper quomodolibet emanatarum, etiam si specialem, & individuum mentionem requirerent totos, & integros tenores praesentibus pro expressis, & insertis habent. Motu simili, & ex certa scientia, ac matura deliberatione nostris deque Apostolica potestatis plenitudine Collegium praesatum, ac omnia, & singula dilectorum filiorum Secretariorum hujusmodi Officia per quoslibet quantumvis expressa, & speciali nota dignos possessa, etiam illa tria, quae in perpetuum concessa, atque assignata fuerunt; unum videlicet per Sancti Salvatoris ad Sancta Sanctorum, & aliud per S. Spiritus in Saxia Hospitalia, sive illorum pro tempore existentes Officiales, & Administratores, atque reliquum Officia hujusmodi per Capitulum, & Canonicos saecularis, & Collegiatam Ecclesiam S. Eustachii de Urbe dilectos filios respective possessa, auctoritate Apostolica tenore praesentium perpetuo supprimimus, extinguimus, & abolemus, una cum illorum Collegii Juribus, prerogativis, & privilegiis, adeo ut simile Collegium Secretariorum hujusmodi omnino cesset, & amplius in rerum natura non existat. Omnia vero eorumdem Officiorum Secretariorum, & Collegii hujusmodi per praesentes suppressorum emolumenta, jura, obventiones, & alios quoscumque proventus, quae, & quos volumus, & intendimus semper salva, & illaesa, & salvos, & illaesos remanere ad commodum Sedis Apostolicae, adeo ut ab iis, qui hactenus illa, & illos solverunt, adhuc debeantur, & solvantur, nihilque penitus conseatur ac sit quoad illa, & illos innovatum perinde, ac si praesens motus proprius minime emanasset, & non alias &c. ab hodie pleno jure nil penitus excepto Camerae nostrae praedictae appropriamus, applicamus, & incorporamus, ac

Collegium  
supprimitur.  
& penitus  
extinguatur.

Omnia il-  
lius emolu-  
menta adscri-  
buntur Rev.  
Camerae  
Apost.

Præcipitur  
ut reddatur  
Officialibus  
pecunia Re-  
ver. Cam.,  
vel Datarie  
soluta, & si  
quid aliud  
eis, vel aliis  
debeat.

pro appropriatis, applicatis, & incorporatis haberi volumus.

§. 6. Et insuper per præsentibus statuimus, & mandamus omnes illas pecunias prompte, ac statim restitui, seu perfolvi per dictam nostram Cameram, quas dicto Thesaurario nostro legitime confiterit vere, & realiter, & cum effectu per ipsorum Officiorum nunc suppressorum titulares, seu possessores, sive eorum auctores, aut illos, quibus facultas disponendi de prædictis Officiis, seu eorum aliquo in toto vel parte Apostolica auctoritate prædicta concessa fuerit, eadem Cameræ, sive Datarie Apostolicæ, illarumque Ministris, & Officialibus tam in causam, & sub nomine pretii, quam pro expeditione fuisse solutas, adeo ut ne quidem in nihilo respectu earundem pecuniarum Cameræ, seu Datarie hujusmodi solutarum de proprio damnificati remaneant, & donec receperint, ad eorum creditum, & liberam dispositionem penes Nostrum Montem Pietatis de Urbe describi debere decernimus. Volumus quoque, & mandamus, ut dictus moderatus noster, & pro tempore existens, Thesaurarius Generalis de voto nostræ Rotæ ut supra, omnibus illius Auditoribus suffragium præstantibus, ac ferentibus super præfatis articulis, scilicet, an, & quid etiam ultra dictas pecunias respectu omnium possessorum eorumdem Officiorum, & interesse habentium restituendum, & perfolvendum sit, aliisque incidentibus, emergentibus, annexis, connexis, & dependentibus, totoque negotio, citato, & auditore dictæ nostræ Cameræ Commissario Generali audiat, cognoscat, & iustitiam faciat, & administrat, omni appellacione, restitutione in integrum, recurso, & reclamacione penitus remotis, atque sublatis. Et quia etiam dubitari continget, an per hujusmodi suppressionem, ac abolitionem Collegii præfati onus prædictæ extinctionis dicti novi Montis per idem Collegium ut supra, ultimo loco erecti, & solutionis illius fructuum usque ad actualem, & effectivam ejusdem Montis extinctionem remaneat & sit penes ipsos Secretarios ejusdem Collegii; ideo pro potiori cautela tam dictæ nostræ Cameræ, quam ipsius Collegii, ejusque Secretariorum per præsentibus suppressorum declaramus, & decernimus, per suppressionem, & abolitionem hujusmodi neutri partium, nostræque Cameræ ullum præjudicium, neque minimum inferri, nec illatum fore, juraque utriusque, etiam quoad repetitionem soluti integra, & in totum reservata esse, prout reservamus, illaque experiri posse, ac dicto Thesaurario nostro Generali, qui etiam in hujusmodi articulo de voto dictæ nostræ Rotæ procedat, audiat, & cognoscat, ac iustitiam faciat, appellacione remota, & in omnibus, & per omnia, ut supra, quoad alios articulos decrevimus, & mandavimus. Interim vero, ne Montis dicti Montis solutione, & consecutione debita fructuum locorum Montium ad singulos spectant, & pertinent, suis loco, & tempore privati remaneant, volumus, & decernimus pro nunc, & per modum provisionis, & sine præjudicio jurium ut supra, per dictum nostrum Thesaurarium illos perfolvi fieri de emolumentis, & proventibus ejusdem Collegii dictæ nostræ Cameræ, ut supra, applicatis, & appropriatis. Cæterum, quia, ut præmissis, inter possessores dictorum Officiorum adsunt præfata loca pia, nempe Capitulum Ecclesiæ Sancti Eustachii, & Hospitale S. Spiritus in Saxia, quæ eadem Officia in perpetuum ex causa onerosa, & correceptiva Apostolica auctoritate obtinent, ideo præcipimus, & mandamus eidem nostro Thesaurario, quod præfato Sancti Eustachii Capitulo, ejusque Canonici perfolvi faciat ad effectum reinvestiendi illud pretium, quod in casum suppressionis, vel extinctionis conventum fuit restitui,

& perfolvi debere, idemque pretium, & in eadem summa perfolvi pariter, ac restitui dicto Hospitali S. Spiritus, salvis utriusque juribus eorundem nostro Thesaurario de eodem voto Rotæ cognoscendis, & decidendis, quoad illud plus, seu aliam majorem summam, quod, seu quam perfolvi, & restitui debere pro eorum parte prætendatur. Quo vero ad prædictum aliud Hospitale S. Salvatoris ad Sancta Sanctorum, quod ex gratia Sedis Apostolicæ aliud simile Officium, ut supra obtinet, per modum provisionis, & donec per eundem Thesaurarium de eodem voto, ut supra, decidatur, & terminetur an, & quod restituendum, seu perfolvendum sit, & nostra liberalitate, & munificentia, ac pauperum infirmorum subventionem, ex eadem massa, seu grossa dictorum emolumentorum, & proventuum singulis mensibus summam per Nos in speciali ordine, & mandato declarandam præstari, ac perfolvi jubemus, volumus.

§. 7. Præsentibus quoque etiam ex eo, quod singuli nominati prædicti præmissis non confesserint, nec ad ea vocati, & auditi fuerint, nullo unquam tempore de subreptionis, vel obreptionis, aut nullitatis vitio, seu intentionis nostræ, vel alio quovis, etiam quantumvis magno, & inexcogitato, & substantiali defectu, etiam ex quo super præmissis solemnitates, & alia quævis servanda, & adimplenda, servata, & adimpleta minime fuerint, aut ex alio quolibet capite a jure, vel facto, aut statuto, vel consuetudine aliqua resultante, seu etiam enormis, enormissimæ, & totalis læsionis, aut quocumque alio colore, etiam in corpore juris clauso, seu occasione, vel causa quantumvis justa, rationabili, & privilegiata, etiam tali, quæ ad effectum validitatis prædictorum, specialiter, ac individue exprimenda foret, aut, quod de voluntate nostræ hujusmodi, vel aliis superius expressis, seu illatis nihil ullibi apparente, seu aliter probari posset, notari, impugnari, invalidari, retractari, in jus, vel controverfiam revocari, aut ad terminos juris reduci, vel adversus illas restitutionis in integrum, aperiacionis oris, reductionis ad viam, & terminos juris, aut aliud quodcumque juris, facti, Gratia, seu Justitiæ remedium impetrari, seu etiam motu, & potestatis plenitudine similibus concedi, aut sic impetrato, aut concessio quempiam uti, seu se juvari in iudicio, & extra posse; neque præsentibus sub quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus pro tempore quomodolibet faciendis, comprehendere, sed semper ab illis exceptas, perpetuoque validas, & efficaces existere, & fore, suosque plenarios, & integros effectus fortiri, & obtinere, ac ab illis, ad quos spectat, & pro tempore quomodolibet spectabit inviolabiliter, & inconcussè observari: Sicque, & non alias in præmissis per quoscumque Judices, & delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales, etiam de Latere Legatos, & Apostolicæ Sedis Nuncios, aliosve quoslibet quacumque præminentia, & potestate fungentes, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari, Apostolica auctoritate earundem tenore præsentium decernimus, & declaramus.

§. 8. Non obstantibus præfatorum fel. record. Callixti III., Pii II., Innoc. VIII., Pii V., Sixti idem V., Gregorii XV., ac Clementis IX., & aliorum Romanorum Pontificum prædecessorum nostrorum Constitutionibus, & Indultis, privilegiis supradicto Collegio, illiusque singula-

Claufula.

ribus personis quomodolibet concessis, necnon pia mem. Pii Papae IV., etiam praedecessoris nostri gratias, Camera praedictam concernentes in eadem Camera omnino registrari debere disponen., ac nostra, & Cancellariae Apostolicae regula de jure quaesito non tollendo, aliisque Constitutionibus, & Ordinationibus Apostolicis, etiam Consistorialibus desuper in genere, vel in specie editis, etiam motu, scientia, & potestatis plenitudine similibus, & quibuscumque, etiam quantumvis efficacissimis clausulis, & Decretis, etiam irritantibus roboratis, ac alias in contrarium praedictorum quomodolibet concessis, confirmatis, ac superius innovatis. Quibus omnibus, etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia exquisita forma ad hoc servanda foret, tenores hujusmodi, ac si de verbo ad verbum nil penitus omisso, & forma in illis tradita observata inserti forent, praesentibus pro plene, & sufficienter expressis, ac de verbo ad verbum inferis habentes, illis alias in suo robore permanens, hac vice dumtaxat motu, & potestatis plenitudine similibus derogamus, ac derogatum esse volumus, & decernimus, ceterisque contrariis quibuscumque.

§. 9. Et quod singulorum officiorum praedictorum concessionum, & titulorum tenores, etiam veriores, ac earum dat. habeantur pro expressis, seu in toto, vel parte exprimi possint in literis, & de perpetuis, suppressione, abolitione, extinctione, restitutione, applicatione, incorporatione, concessione, voluntate, & singulis Decretis, derogatione, aliisque praemissis, quae hic pro sufficienter, & ad partem repetitis habeantur, ut supra in literis, & cum clausula ad perpetuam rei memoriam latissime extenden., & quod praemissorum omnium, & singulorum etiam denominat., qualitat., nuncupat., innovat., aliorumque necessarium major., & verior specificatio, & expressio fieri possit in literis. Volumus autem, quod sola Motus proprii nostri hujusmodi Signatura sufficiat, & ubique fidem faciat in Judicio, & extra illud quacumque clausula contraria, & ceteris quibuscumque, ut supra non obstantibus, seu si videbitur per Breve nostrum, seu Officium de Curia expediri possint.

§. 10. Per praesentes vero non intendimus sub praemissa pretii restitutione Officiorum hujusmodi, possessoribus libere facienda, comprehendi illum, seu illos, qui ratione gravis aetatis juxta nostrae Datariae stylum, & observantiam ad Officii resignationem admittendi minime essent, cui, vel quibus remaneant salva eorum jura, pariter a praefato Thesaurario de voto Rotae examinanda, & decidenda.

Datum Romae apud Sanctum Petrum Kal. Aprilis 1678. Anno Secundo.

Restitutio soluti pretii nonnullis faciendi non est.

XXXV.

Confirmantur Confraternitates omnes sub titulo Nominis Dei in Ecclesiis Fratrum Ordinis Praedicatorum dumtaxat existentes, etsi de earum Canonica erectione non constet.

Dat. 18. April. 1678. An. 2.

INNOCENTIUS PAPA XI.

Ad futuram rei memoriam.

Huic Confraternitati concessa fuerunt nonnullae Indulgentiae a Pio IV.

CUM dudum fel. rec. Pius Papa IV. Praedecessor noster Confraternitati sub vocabulo Nominis Jesu instituta, & ubique terrarum, & locorum, tunc & pro tempore diffusa utriusque sexus Confratribus in illa, tunc, & pro tem-

pore descriptis ubilibet constitutis, sive sub eisdem Confraternitatis regula prius edita, sive sub alia simili comprehenderentur, certa tunc expressa pietatis opera peragentibus nonnullas indulgentias, & peccatorum remissiones, ac poenitentiarum relaxationes, nec non alias gratias, facultates, & privilegia concesserit: Et tubinde accepto per rec. mem. Pium Papam Quintum Praedecessorem nostrum, quod licet Societas Nominis Dei, sive juramentorum, originem, & ortum habuisset ab Ordine Fratrum Praedicatorum, & quod ab eisdem Ordinis professoribus fuisset instituta, & aucta, necnon interventu Fratrum dicti Ordinis, multa Indulgentiae, aliaque privilegia, & favores dictae Societati ab Apostolica Sede fuissent concessa; tamen multi Clerici, & Parochi in suis Ecclesiis dictam Societatem erigere studebant, itaut aliquando essent plures in eadem Civitate Societates, seu Confraternitates dictae invocationis Nominis Dei, & juramentorum, in diminutionem observantiae, & devotionis, quae ex frequentia convenientium oriri solebat, & non sine aliqua confusione, quae ob praedictam causam in die Circumcisionis Domini, quando festum praedictae Societatis, seu Confraternitatis celebrari debebat, accidere consueverat; Idem Pius Quintus praedecessor noster motu proprio non ad alicujus sibi super hoc oblatae petitionis instantiam, sed ex mera deliberatione, & certa scientia sua, ac de Apostolica potestatis plenitudine, quod in Civitate, Oppidis, & Locis totius orbis Christiani, in quibus essent Ecclesiae Ordinis Praedicatorum, ibi tantum, vel hujusmodi Civitatibus, Oppidis, & Locis, & in dictis Ecclesiis Ordinis Praedicatorum dumtaxat dicta Societas, seu Confraternitas erigi posset, nec deinceps nova Societas, seu Confraternitas hujusmodi institueretur in Civitatibus, Oppidis, aut Locis, in quibus non esset dicti Ordinis domus, aut in finitimis Ecclesiis, absque licentia Prioris Provincialis, seu Conventualis dicti Ordinis, in cuius districtu sita esset Ecclesia, in qua dicta Confraternitas, seu Societas erat, vel foret erigenda; quod si secus factum fuisset Confratres taliter admissi dictae Confraternitatis, seu Societatis Indulgentias non consequerentur, nec favoribus, aut privilegiis gauderent, quae Confratribus legitime scriptis per Sedem praedictam concedebantur perpetuo statuerit, & ordinaverit, ac etiam districtius inhibuerit, sique voluerit, & praeeperit, & alias prout in eorundem Pii Quarti, & Pii V. Praedecessorum literis desuper expeditis uberius dicitur contineri. Ac postmodum pia mem. Gregorius Papa Decimus tertius praedecessor pariter noster praedictas Pii Quarti, & Pii Quinti praedecessorum literas confirmaverit, & approbaverit, aliasque indulgentias Confratribus dictae Confraternitatis elargitus fuerit, prout in diversis ipsius Gregorii praedecessoris literis desuper emanatis etiam dicitur plenius contineri: Sed successive similis rec. Paulus Papa Quintus etiam praedecessor noster, qui certas unicuique Confraternitati Indulgentias, & gratias spirituales, quibus de cetero fruere duxerat praescribendas, revocatis, & annullatis, ac nullius roboris & momenti in posterum fore declaratis omnibus, & singulis indulgentiis, & peccatorum remissionibus, ac poenitentiarum relaxationibus Confraternitati Sanctissimi Nominis Dei, in Ecclesia Sanctae Mariae super Minervam de Urbe dicti Ordinis Fratrum Praedicatorum canonice instituta, & illius Confratribus, & Consonoribus eatenus per quoscumque Romanos Pontifices eius praedecessores concessit, omnibus utriusque sexus Christifidelibus hanc Confraternitatem de cetero ingressuris, ac tam ipsis de tempore describendis, quam jam descriptis in dicta Confraternitate Confratribus, & Consonoribus, qui

Statutum fuit a Pio V. ut in solis Ecclesiis Fratrum Praedicatorum, in aliis vero cum eorum permissione dicta Confraternitas erigi posset.

Litterae Pii IV. & V. confirmatae fuerunt a Greg. XIII. & indulgentiae auctae.

Quibus omnibus revocatis a Paulo V. aliisque ab eodem concessa fuerunt.

certa